



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐ ՀԱՄԱՅՆՔԻ
2025 ԹՎԱԿԱՆԻ ԲՅՈՒՋԵԻ ԱՌԱՋԻՆ ԵՌԱՄՍՅԱԿԻ
ԿԱՏԱՐՄԱՆ ՄԱՍԻՆ ՀԱՂՈՐԴՈՒՄ

ԵԿԱՄՈՒՏՆԵՐ

Հայաստանի Հանրապետության Արմավիրի մարզի Արմավիր համայնքի բյուջեի եկամտային մասը 2025 թվականի 1-ին եռամսյակում ունի հետևյալ տեսքը.

	Պլան /հազար դրամ/	Կատարված /հազար դրամ/	
Վարչական բյուջե ,	703894.0	731999.3	104 %
որից՝ սեփական եկամուտներ	222932.5	251326.3	112.7 %
Ֆոնդային բյուջե	185500.0	150000.0	80.9%
որից՝ վարչական բյուջեի			
պահուստային ֆոնդից հատկ.	150000.0	150000.0	
Ընդամենը	739394.0	731999.3	99%

Արմավիր համայնքի 2025թվականի բյուջեի առաջին եռամսյակում ընդամենը նախատեսված 739394,0 հազար դրամի դիմաց փաստացի մուտքերը կազմել են 731999,3 հազար դրամ կամ կատարվել է 99 %-ով, սեփական եկամուտների գծով նախատեսված 222932,5 հազար դրամի դիմաց փաստացի մուտքերը կազմել են 251326,3 հազար դրամ կամ կատարվել է 112,7 %-ով: Նախորդ տարվա նույն ժամանակահատվածի նկատմամբ վարչական բյուջեի եկամուտները գերակատարվել են 87 630,4 հազար դրամով կամ 13,6% -ով, իսկ սեփական եկամուտները՝ 18913,7 հազար դրամով կամ 8,1 % -ով:

Արմավիր համայնքի 2025թվականի բյուջեն առաջին եռամսյակում ըստ եկամտատեսակների կատարվել է հետևյալ համամասնություններով.

1. ՀԱՐԿԱՅԻՆ ԵԿԱՄՈՒՏՆԵՐ

Հարկային եկամուտների գծով առաջին եռամսյակում նախատեսված 137708.1 հազար դրամի դիմաց փաստացի մուտքերը կազմել է 168225,8 հազար դրամ կամ կատարվել է 122,2% -ով, նախորդ տարվա նույն ժամանակահատվածի նկատմամբ գերակատարվել է 37965,0 հազար դրամով կամ 29,1% -ով՝ այդ թվում.

1. Հողի հարկի գծով մուտքեր չեն նախատեսվել, փաստացի հավաքագրվել է 7329,6 հազար դրամ,
2. Գույքահարկ համայնքների վարչական տարածքներում գտնվող շենքերի և շինությունների համար մուտքեր չեն նախատեսվել, փաստացի հավաքագրվել է 1139,9 հազար դրամ:
3. Գույքահարկ փոխադրամիջոցների համար պլանով նախատեսված 74206,0 հազար դրամի դիմաց փաստացի մուտքերը կազմել են 89183,2 հազար դրամ կամ կատարվել է 120,2%-ով, նախորդ տարվա նույն ժամանակահատվածի նկատմամբ թերակատարվել է 2926,5 հազար դրամով,

4. Համայնքի բյուջե մուտքագրվող անշարժ գույքի հարկը պլանով նախատեսված 49618,8 հազար դրամի դիմաց փաստացի մուտքագրվել է 35513,5 հազար դրամ կամ կատարվել է 71,6 %-ով, նախորդ տարվա նույն ժամանակահատվածի նկատմամբ գերակատարվել է 10608,5 հազար դրամով կամ 42,5% -ով՝ այդ թվում.

2. ՏՈՒՐՔԵՐ

Տուրքերի գծով առաջին եռամսյակում նախատեսված 19519,2 հազար դրամի դիմաց փաստացի մուտքերը կազմել են 35059,7 հազար դրամ կամ կատարվել՝ 179,6 %-ով, նախորդ տարվա նույն ժամանակահատվածի նկատմամբ գերակատարվել է 3310,1 հազար դրամով կամ 15,2% -ով՝ այդ թվում.

1. Պետական տուրքերի գծով նախատեսված 6619,2 հազար դրամի դիմաց փաստացի մուտքերը կազմել են 9598,7 հազար դրամ կամ կատարվել՝ 145,0 %-ով:
2. Տեղական տուրքերի գծով նախատեսված 12900,0 հազար դրամի դիմաց փաստացի մուտքերը կազմել են 25461,0 հազար դրամ կամ կատարվել՝ 197,4 %-ով:
3. Նույն թվում՝

- ա) համայնքի տարածքում նոր կառուցվող օբյեկտների և շինությունների շինարարությունը սկսելու թույլտվության մուտքերի գծով փաստացի մուտքագրվել է 940,0 հազար,
- բ) համայնքի տարածքում գտնվող օբյեկտները վերակառուցելու աշխատանքներ կատարելու թույլտվության մուտքերի գծով փաստացի մուտքերը կազմել են 72,0 հազար,
- գ) համայնքի վարչական տարածքում շենքերի, շինությունների, քաղաքաշինական այլ օբյեկտների քանդման թույլտվության համար դիմաց փաստացի մուտքերը կազմել են 35.0 հազար դրամ,

դ) համայնքի տարածքում ոգելից խմիչքներ և (կամ) ծխախոտի արտադրանքի ընթացիկ տարվա վաճառքի թույլտվության համար փաստացի մուտքերը կազմել են 6136,1 հազար դրամ,

ե) համայնքի տարածքում բացօթյա վաճառք կազմակերպելու թույլտվության համար փաստացի մուտքագրվել է 1558,0 հազար,

զ) համայնքի տարածքում հեղուկ վառելիքի, տեխնիկական հեղուկների, հեղուկացված գազերի մանրածախ առևտրի կետերում հեղուկ վառելիքի, տեխնիկական հեղուկների, հեղուկացված գազերի վաճառքի թույլտվության համար փաստացի մուտքագրվել է 5845,0 հազար դրամ,

է) համայնքի տարածքում առևտրի, հանրային սննդի, զվարճանքի, շահումով խաղերի և վիճակախաղերի կազմակերպման օբյեկտները, բաղնիքները (սաունաները), խաղատները ժամը 24.00- ից հետո աշխատելու թույլտվության համար տարեկան նախատեսված 1600,0 հազար դրամի դիմաց 1-ին եռամսյակում հավաքագրվել է 1645,0 հազար դրամ կամ տարեկան պլանը կատարվել է 102,8 %-ով,

ը) համայնքի տարածքում ընթացիկ տարվա համար արտաքին գովազդ տեղադրելու թույլտվության մուտքերի գծով 1-ի եռամսյակում փաստացի մուտքագրվել է 6383,3 հազար դրամ:

թ) համայնքի տարածքում թանկարժեք մետաղներից պատրաստված իրերի մանրածախ առուվաճառքի տարեկան թույլտվության համար տարեկան նախատեսվել է 1250,0 հազար դրամ եկամուտ, արդեն իսկ 1-ին եռամսյակում փաստացի հավաքագրվել է 1200,0 հազար դրամ կամ կամ տարեկան պլանը կատարվել է 96,0 %-ով,

ժ) համայնքի տարածքում հանրային սննդի կազմակերպման և իրացման թույլտվության համար փաստացի մուտքագրվել է 1046,5 հազար դրամ,

ի) Հայաստանի Հանրապետության վարչատարածքային միավորների խորհրդանիշերը (զինանշան, անվանում և այլն), որպես օբյեկտ գրանցված ապրանքային նշան, ապրանքների արտադրության, աշխատանքների կատարման, ծառայությունների մատուցման գործընթացներում օգտագործելու թույլտվության համար տարեկան նախատեսվել է 750,0 հազար, 1-ին եռամսյակում փաստացի հավաքագրվել է 400,0 հազար դրամ կամ կամ տարեկան պլանը կատարվել է 88,9 %-ով,

լ) համայնքի վարչական տարածքում քաղաքացիական հոգեհանգստի (հրաժեշտի) ծիսակատարության ծառայությունների իրականացման և (կամ) մատուցման թույլտվության համար փաստացի մուտքագրվել է 200,0 հազար դրամ:

3. ՊԱՇՏՈՆԱԿԱՆ ԴՐԱՄԱՇՆՈՐՀՆԵՐ

1. Ընթացիկ ներքին պաշտոնական դրամաշնորհների գծով նախատեսված 514962,3 հազար դրամի դիմաց փաստացի ֆինանսավորվել է 479473,6 հազար դրամ կամ կատարվել է 93,1 %-ով, այդ թվում՝

ա) Պետական բյուջեից ֆինանսական համահարթեցման սկզբունքով տրամադրվող դոտացիաների գծով նախատեսված 478878,8 հազար դրամի դիմաց փաստացի ֆինանսավորվել է 478878,8 հազար դրամ կամ կատարվել է 100.0 %-ով:

բ) Պետական բյուջեից տրամադրվող նպատակային հատկացումների (սուբվենցիաներ) գծով նախատեսված 583,5 հազար դրամի դիմաց փաստացի ֆինանսավորվել է 594,8 հազար դրամ կամ կատարվել է 101,9 %-ով:

2. Պետական բյուջեից տրամադրվող կապիտալ պաշտոնական դրամաշնորհների գծով նախատեսված 35500,0 հազար դրամի դիմաց փաստացի մուտքեր չեն եղել:

4. ԱՅԼ ԵԿԱՄՈՒՏՆԵՐ

Այլ եկամուտներից մուտքերի գծով նախատեսված 76547,7 հազար դրամի դիմաց փաստացի մուտքագրվել 84299,9 հազար դրամ կամ կատարվել է 110,1 %-ով, նախորդ տարվա նույն ժամանակահատվածի նկատմամբ գերակատարվել է 12698,3 հազար դրամով կամ 17,7% -ով՝ այդ թվում.

1. Համայնքի սեփականություն համարվող հողերի վարձակալության գծով փաստացի մուտքերը կազմել են 11856,5 հազար դրամ, նախորդ տարվա նույն ժամանակահատվածի նկատմամբ գերակատարվել է 1142,4 հազար դրամով կամ 10,7% -ով

2. Գույքի վարձակալության գծով փաստացի մուտքագրվել է 636,1 հազար դրամ:

3. Պետության կողմից տեղական ինքնակառավարման մարմիններին պատվիրակված լիազորությունների իրականացման ծախսերի ֆինանսավորման համար պետական բյուջեից ստացվող միջոցների գծով պլանով նախատեսված 1499,3 հազար դրամի դիմաց փաստացի ֆինանսավորումը կազմել է 1199,4 հազար դրամ:

4. Օրենքով սահմանված դեպքերում համայնքային հիմնարկների կողմից առանց տեղական տուրքի գանձման մատուցվող ծառայությունների կամ կատարվող գործողությունների դիմաց ստացվող (գանձվող) վճարների գծով տարեկան նախատեսված 1521,5 հազար դրամի փաստացի մուտքը կազմել է 1718,6 հազար դրամ կամ կատարվել է 113 %-ով:

5. Տեղական վճարների գծով նախատեսված 66705,5 հազար դրամի դիմաց փաստացի մուտքագրվել է 48437,8 հազար դրամ կամ կատարվել է 72,6 % - ով, այդ թվում աղբահանության

վճարների գծով նախատեսված 21744,0 հազար դրամի դիմաց փաստացի մուտքագրվել է 15411,5 հազար դրամ կամ կատարվել է 70,9 % - ով:

6. Համայնքի վարչական տարածքում ինքնակամ կառուցված շենքերի, շինությունների օրինականացման համար վճարների գծով նախատեսված 4200,0 հազար դրամի դիմաց փաստացի մուտքագրվել է 1488,7 հազար դրամ:

7. Վարչական իրավախախտումների համար տեղական ինքնակառավարման մարմինների կողմից պատասխանատվության միջոցների կիրառումից եկամուտներից նախատեսված 250,0 հազար դրամի դիմաց փաստացի մուտքագրվել է 750 հազար դրամ:

8. Օրենքով և իրավական այլ ակտերով սահմանված համայնքի բյուջե մուտքագրվող այլ ոչ հարկային եկամուտների գծով փաստացի մուտքը 1-ին եռամսյակին կազմել է 16600,9 հազար դրամ :

ԾԱԽՍԵՐ

2025թվականի առաջին եռամսյակում կատարվել է 687937,7 հազար դրամի ծախս, որը կազմում է տարեկան պլանի 17,4%-ը: Ծախսերի դասակարգումն ըստ գործառնական նշանակության հետևյալն է.

ԸՆԴՀԱՆՈՒՐ ԲՆՈՒՅԹԻ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐ՝ կատարվել է 204690,7

հազար դրամի ծախս, որը կազմում է փաստացի կատարված ծախսերի 29,7%-ը, այդ թվում՝
1. Օրենսդիր և գործադիր մարմիններ՝ 01 բաժին 1 խումբ 1 դաս, հատկացվել է 95392,1 հազար դրամ ծախս,

2. Ընդհանուր բնույթի հանրային ծառայություններ՝ 01 բաժին 6 խումբ 1 դաս, հատկացվել է 109298,6 հազար դրամ ծախս,

ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐ՝ կատարվել է 143789,0 հազար դրամի ծախս, որը

կազմում է փաստացի կատարված ծախսերի 20,9%-ը, այդ թվում՝

1. Ոռոգում՝ 04 բաժին 2 խումբ 4 դաս, հատկացվել է 12028,3 հազար դրամ,

2. Ճանապարհային տրանսպորտ՝ 04 բաժին 5 խումբ 1 դաս, հատկացվել է 179046,7 հազար դրամ,

3. Տնտեսական հարաբերություններ (այլ դասերին չպատկանող) Ոչ ֆինանսական ակտիվների օտարումից մուտքեր՝ 04 բաժին 9 խումբ 1 դաս, նախատեսված -26000,0 դիմաց փաստացի մուտքերը կազմել են -47286,0 հազար դրամ :

ՇՐՋԱԿԱ ՄԻՋԱՎԱՅՐԻ ՊԱՇՏՊԱՆՈՒԹՅՈՒՆ՝ Աղբահանում՝ 05 բաժին 1 խումբ 1 դաս, կատարվել է 73302,8 հազար դրամի ծախս, որը կազմում է փաստացի կատարված ծախսերի 10,7%-ը:

ԲՆԱԿԱՐԱՆԱՅԻՆ ՇԻՆԱՐԱՐՈՒԹՅՈՒՆ ԵՎ ԿՈՄՈՒՆԱԼ ԾԱՌԱՅՈՒԹՅՈՒՆ՝

կատարվել է 30 094,6 հազար դրամի ծախս, որը կազմում է փաստացի կատարված ծախսերի 4,4%-ը, այդ թվում՝

1. Ջրամատակարարում 06 բաժին 3 խումբ 1 դաս, հատկացվել է 17395,1 հազար դրամ,

2. Փողոցների լուսավորում 06 բաժին 4 խումբ 1 դաս, հատկացվել է 10517,5 հազար դրամ,
3. Բնակարանային շինարարության և կոմունալ ծառայություններ (այլ դասերին չպատկանող)՝ 06 բաժին 6 խումբ 1 դաս, հատկացվել է 2182,0 հազար դրամ:

ՀԱՆԳԻԱՏ. ՄՇԱԿՈՒՅԹ ԵՎ ԿՐՈՆ՝ կատարվել է 22337,3 հազար դրամի ծախս, որը կազմում է փաստացի կատարված ծախսերի 3,2%-ը:

1. Գրադարաններ՝ 08 բաժին 2 խումբ 1 դաս, հատկացվել է 7312,3 հազար դրամ,
2. Մշակույթի տներ, ակումբներ, կենտրոններ՝ 08 բաժին 2 խումբ 3 դաս, հատկացվել է 7706,5 հազար դրամ,
3. Այլ մշակութային կազմակերպություններ՝ 08 բաժին 2 խումբ 4 դաս, հատկացվել է 7318,4 հազար դրամ:

ԿՐԹՈՒԹՅՈՒՆ՝ կատարվել է 213723,3 հազար դրամի ծախս, որը կազմում է փաստացի կատարված ծախսերի 31,1%-ը, այդ թվում՝

1. Նախադպրոցական կրթություն՝ 09 բաժին 1 խումբ 1 դաս, հատկացվել է 169278,0 հազար դրամ,
2. Արտադպրոցական դաստիարակություն՝ 09 բաժին 5 խումբ 1 դաս, հատկացվել է 44445,3 հազար դրամ:

ՍՈՑԻԱԼԱԿԱՆ ՊԱՇՏՊԱՆՈՒԹՅՈՒՆ ծրագրով ծախսեր չեն կատարվել:

ՀԻՄՆԱԿԱՆ ԲԱԺԻՆՆԵՐԻՆ ՉԴԱՍՎՈՂ ՊԱՀՈՒՍՏԱՅԻՆ ՖՈՆԴԵՐ՝ Հայաստանի Հանրապետության համայնքների պահուստային ֆոնդ 11 բաժին 1 խումբ 2 դաս՝ նախատեսված գումարը կազմում է 871216,8 հազար դրամ, որից 500000,0 հազար դրամը նախատեսվում է հատկացնել ֆոնդային բյուջեով կատարվող ծախսերի ֆինանսավորմանը, հաշվետու ժամանակահատվածում հատկացվել է 150000,0 հազար դրամ:

2025 թվականի 1-ին եռամսյակում ընթացիկ ծախսերի /վարչական բյուջե/ ֆինանսավորմանը հատկացվել է 403047,2 հազար դրամ, որը փաստացի կատարված ծախսերի 54.8 %-ն է: Ընթացիկ ծախսերից աշխատանքի վարձատրության հոդվածին հատկացվել է 107190.6 հազար դրամ կամ վարչական ծախսերի 34.6%-ը, ծառայությունների և ապրանքների ձեռք բերմանը հատկացվել է 62876.7 հազար դրամ կամ 15.6%-ը: Սուբսիդիաների տեսքով ոչ ֆինանսական պետական (համայնքային) կազմակերպություններին է հատկացվել համայնքի վարչական բյուջեի փաստացի կատարված ծախսերի 48.9 %-ը կամ 197124.7 հազար դրամ: Դրամաշնորհ է հատկացվել վարչական բյուջեի ծախսերի 0.2 %-ը, այլ ծախսերին է տրամադրվել 0.5 %-ը, սոցիալական օգնությանը՝ 0.02 %-ը:

Հաշվետու ժամանակաշրջանում համայնքային բյուջեի ծախսերի 45.2 %-ը կամ 332176.5 հազար դրամն ուղղվել է ոչ ֆինանսական ակտիվների գծով ծախսերի ֆինանսավորմանը, այդ միջոցներից 317750.4 հազար դրամը կամ 95.7 %-ը տրամադրվել է շենքերի և շինությունների կապիտալ վերանորոգման հողվածին, 1409.9 հազար դրամը՝ մեքենաներ և սարքավորումներ ձեռք բերելու համար, 25000.0 հազար դրամը կամ ֆոնդային բյուջեի ծախսերի 7.5 %-ը հատկացվել է նախագծահետազոտական աշխատանքների ձեռք բերմանը, 5000.0 հազար դրամը՝ հողի ձեռք բերմանը: Համայնքային սեփականություն հանդիսացող հողի իրացումից մուտքերը արտացոլվում են ծախսերում բացասական նշանով, 1-ին եռամսյակում տարեկան նախատեսված -26000,0 դիմաց փաստացի մուտքերը կազմել են -47286,0 հազար դրամ:

ԲՅՈՒՋԵԻ ՍԻՋՈՑՆԵՐԻ ԴԻՖԻՑԻՏԸ ԵՎ ՖԻՆԱՆՍԱՎՈՐՄԱՆ

ԱՂԲՅՈՒՐՆԵՐԸ

Արմավիր համայնքի բյուջեի 2025 թվականի տարեսկզբի ազատ մնացորդը կազմել է 602808.9 հազար դրամ, իսկ առաջին եռամսյակի փաստացի հավելյուրդը կազմել է 646870.5 հազար դրամ: